

山西府縣志輯

中國北方志集

光緒續太原縣志
康熙徐溝縣志
光緒補修徐溝縣志
光緒清源鄉志



中國地方志集成

山西府縣志輯 ③

光緒續太原縣志

康熙徐溝縣志

光緒補修徐溝縣志

光緒清源鄉志

鳳凰出版社 ● 上海書店 ● 巴蜀書社

太原縣續志序

自結繩易為書契然後
百官治萬民察記載日以
繁國有史家有乘而釋
地者尤詳若書禹貢周
禮職方氏所掌皆是物

續太原縣志序

也是故司府州縣莫不
有志縣官之制古或稱
尹稱令若長宋署曰知
某縣事明因之為知縣
今司是土而領使一邑中
山川土田人民之籍禮樂

兵農之制庠序學校飲

射讀法之方孰沿孰革

孰利孰弊茫守莫攷猶

秦然曰我知縣事也得

啞然而自笑哉光緒壬

午余攝太原府篆時方

續太原縣志

序

二

開局修通志知太原縣

薛君以所續志來請序

於余余惟太原雖蕞爾

邑固封壤之故封也自三

卿分晉以後代為大郡唐

起晉陽建為北都迨至

宋初始降為縣其土肥沃
引晉水為渠堰民知力穡
而喜爭君治太原初過大
稷興衰起廢甫及三載
民用大和乃以其暇蒐討
舊聞續成斯志綱舉而
目張事核而詞雅舉數十
年來民生之苦樂人才之
消長政治之得失風俗之
厚薄一展卷而犁然各
當則仁守賢者之為政異
乎俗吏之為也也今

大中丞張公奉
簡命來撫晉土宣揚
帝德與民更始舉君之治行於
朝得
俞旨為行見循良報最山樞
蟋蟀之風可以復古而尹
鐸董安于之治無難復
見不今將柳子所云舉晉
國之風以一之天下如斯而
已者夫豈徒知一縣之事
哉因序而歸之為世之為
更者勸焉

光緒八年歲次壬午七月望
知太原府事馬丕瑤序

續太原縣志序

天子即位之六年元劉奉

簡命承乏太原當累年饑饉民力未舒仰承
大憲勤卹民隱至意凡興利除弊所以休養
而生息之者恒早夜惕勵不敢少有暇逸以貽
曠職羞時省垣開局修通志太原志續纂
未竟也爰督在局紳士加意整飭進食之餘
余亦廣諮密訪以定棄取即本前令魏揭

二公所定章程每採一事與書院主講王
君筱園揚榷而釐訂之凡八閱月而藁成
呈上憲點定後尋授梓矣諸紳士進而
請序竊謂志即史也周禮春官小史掌邦
國之志外史掌四方之志即今郡縣之志所由
昉姓褒貶與史異而紀載則與史同太原陶
唐舊都衆甘而土肥其民得山川清淑氣
純、常、無恣睢衝辟憤懣穢之習山地

續太原縣志序

二

雖瘠無釋耒而嬉者士勤誦讀敦義氣
晉時編晉之風消歸無有然則轉移之術
責在有司而邑中之疆宇沿革改令風土
一展卷而或遇之則志纂要哉雖然馳
騁文墨自矜瑰麗其究也支離穿鑿不
實而徒飾輪轅是謂以詞而掩事而矯其弊
者又或據事直書不知體要浮辭俚語近
類鈔胥是謂以事而廢詞二者有其一皆不
可以為文獻之漸安望其什今而傳後乎
太原志重修於道光六年為學士楊君定
軒所手訂楊故西河名宿其體例多本陸
氏靈壽志故上憲覽之稱獎與迄今垂
六十年矣星野沿革疆域山川物產考據
精覈無所改移自應悉仍其舊至於風俗
之他駁科名之盛衰與夫政事之因革損
益義夫節婦之亟宜表揚者均當隨時

續太原縣志序

三

隨地蒐羅補輯寬收之而嚴取之以求文
省事增屏浮華而成實錄此則大憲
續修通志意也抑予更有說焉志者一邑
不刊之典與語林說部博物廣記之類不
同乃任其事者未登著作之堂輒臨浮夸
之習甚如里巷瑣聞據為典要搜神誌怪
攔入篇章而或失則雜或失則刻或失則濫
者斯志也予不敢謂詳略得宜斟酌悉當
而矢云矢慎權衡於詞典事之間異以昭
續前志不為學士楊君所竊矣則庶
幾贊揚
盛治潤色
承平克副各大憲卹民求治之心焉是則予所
兢自勉而亦願與此邦紳士共勉之志也
是為序

知太原縣事宛南薛元釗序



續太原縣志

鑒定

銘題運使銜知太原府事加五級又隨帶加四級紀錄十次馬丕瑤

總裁

同知銜在任候補直隸州太原縣正堂加五級紀錄十次薛元釗

纂修

內閣中書銜前趙城縣訓導桐封書院主講王效尊

協修

太原縣儒學教諭孟兆玉

續太原縣志卷上

署太原縣儒學訓導李春蔭

前太原縣儒學教諭牛文遠

前太原縣儒學訓導衛金圃

署太原縣儒學教諭馮志沅

督判

太原縣典史劉品題

署太原縣典史張凌閣

前太原縣城守司魏光玉

太原縣城守司郭秀

邑紳士

總理

侯銓州判拔貢賈天一

邑增生高樾

參訂

截取知縣舉人李景揚

試用訓導恩貢張鳳岐

舉人李禧

校閱

霍州訓導舉人崔聖麟

截取知縣舉人王立均

續太原縣志卷上

截取知縣舉人任爾瑛

採訪

候選知縣舉人張國輔

候選知縣舉人許儒珍

大甯縣儒學訓導舉人郝蔭榕

議叙光祿寺署正附貢張鳳儀

試用訓導歲貢段翰邦

大挑二等舉人牛炳南

膳錄

庠生郭豫章

賜額以答 神庥茲特敬謹登誌至隨時修葺之工亦一體載入

一前志學校門附列書院時方草創未及詳紀茲特照碑文將屢次所增脩膳膏火獎賞諸費觀縷詳列并培英義莊緣起及規條均附入焉

一太原山川靈秀生其間者多潔清自好守義不辱之士閨秀夙嫻姆教孤鸞寡鵠矢共姜之節者較他邑爲多採訪所及下至荒邨陋巷見聞既確無論已旌未

旌均命登載此善善從長之義也

續太原縣志

卷上

五

一前志由蘇州發刻校正未確魯魚亥豕之譌層見叠出茲命在局紳士校閱釐訂譌字悉與更正嵌補舊板以成完善

續太原縣志目錄

卷上

紀恩

城垣 國防附

學校 書院培英義莊附

田賦 戶口倉廩義田附

祀典

職官

選舉 誥封恩蔭附

孝義

續太原縣志

卷上

目錄

卷下

列女

藝文

祥異

渠案 橋梁附

續太原縣志卷上

紀

恩

語云救荒無善策豈篤論哉我

國家子惠元元直省偶遇偏災奏疏朝入

恩詔夕頒蠲賑兼行和甘立應光緒三四年晉省大饑時

宮保湖南曾公爲晉撫繪鄭俠之圖飛章入告

九重減膳撤樂

拈香額

天爲民請命

續太原縣志

紀恩

卷上

頒帑藏運漕糧輓粟飛芻絡繹弗絕 宮保則獎廉能黜

貪汙嚴吏胥恤寒畯奏請豁免荒田租所以噢咻而

懷保之者無所不至

隆施

曠典伊古以來未之有也以故晉之民迭遭荒歉而忘其

飢今則含哺鼓腹熙熙然歌大有而慶屢豐也於序

盛哉備書之以紀

恩焉

道光十五年六月十四日夜半雷雨大作汾水溢瀕

河古寨等八十四村咸被災淹沒秋稼殆盡浸塌民

房一千四百四十一間淹斃人民四口署縣王晉介

請恤巡撫鄂據情入奏照例蠲免八十四村本年正

賦十分之一其餘分作二年帶征查明民房全塌者

每間給修費銀八錢半塌者費亦半之共給銀一千

二十三兩二錢其古寨等四十村被災重者計民數

按日賑濟大口每日賑米二合五勺銀四釐小口每

日賑米一合二勺五撮銀二釐共計男婦大小災民

三萬三千八百三十四口計賑銀三千四百九十五

兩七錢八分至梁家寨等三十五村北格等九村災

較輕未蒙賑恤者署縣王晉介會同紳士勸捐接濟

續太原縣志

卷上

紀恩

二

共捐銀五千兩有奇仍計民數按日放賑有差

光緒三年四年旱歲大祲巡撫 宮保會疏奏請賑

署縣魏象乾奉札會同邑紳士設局勸捐先後集捐

生五十九名捐銀一萬一千四百兩請發轉運局糧

若干石分別極貧次貧戶口以次放賑有差既而念

寒士硯田所入不足資養贍發倉穀人給若干鬴士

林無菜色既而念流民乞食嚴冬輒僵斃城中設粥

廠每日煮粥哺飢民既而念餓殍載途膏骨原野施

薄糲不足繼以蘆蓆藁墊掩骼兼籌銀數百兩發商

生息購義田爲收掩無主屍骸費既而念荒田租稅

續太原縣志

卷上

紀恩

三

不除爲民累稟請撫憲委員踏勘豁免荒地糧至二千餘金所以救荒拯民者一切綱舉目張既而改捐賑爲善後局修倉補廩買穀實其中常平義倉諸政次第舉行自三年十一月起至四年六月底止計店頭等一百一十五村極貧大小口一萬六千三百四十八名次貧大小口七千四十二名貧生三十二名共賑過常平倉穀六千二百一十三石六斗由轉運局前後十三批共發到漕糧五千八百九十四石旱災賑濟動用漕糧二千三十二石一斗六升五合四年水災賑濟三賢等七十二村動用漕糧七百七十六石八斗又出放各村莊漕米二千八十石一斗除動用及短折外盤存賑餘漕糧六百四十九石一斗三升捐銀除解司及各項經費動用外實存賑銀一千四百九十五兩七錢九分四釐

光緒五年查辦荒地西賈等七十二村莊共退民屯墾荒地三百頃八十七畝六分一釐七毫共豁免糧銀二千七百二十一兩八錢四釐共豁免米四百八十石七斗一升六合一勺共豁免豆七十六石六斗七升四合二勺

城垣 國防附

太原城垣自乾隆三十四年知縣江二儀修葺後迄今又百餘年矣睥睨晚樓堞時有坍塌同治六年逆回犯順十二月黃河水偷渡爲窺伺計平陽一帶烽火相望太郡戒嚴知縣胡祖望慮保障之不足恃也集紳士籌款議重修惟是咸豐三四年來潢池弄兵未已捐資助饗民力已殫一旦興大工恐力有弗逮且時當冬令荒度良難姑以蘆席作帳房爲巡哨所女牆低者甃砌之欽者暫用竿衆志成城居民恃以無恐越明年春開局勸捐捐生咸踴躍得銀一萬二千餘兩知縣胡下令曰毋侵冒毋退縮出納必登簿勒稽核毋假胥吏手監工督役自備乾餼局中無薪水免浮費天雖寒赴工所宜早毋作輟廢乃事衆咸應曰諾庀材鳩工土木大作無何胡調任去署縣魏象乾巡城周視甃朽者易之隍夷者浚之言言佻佻實堅實崇而功乃大備經始於同治七年三月告成於光緒元年四月重修四城垛牆長八百五十四丈高四尺五寸補築東南馬道九十一丈西南馬道八十七丈北馬道三十二丈東馬道七十丈南馬道一百二十丈重修北城外牆長三十一丈高三丈一尺俱包以甃補東門石砦一層補修四城門扉一十六頁俱裹以鐵補修四城外城基二十丈重建四角

續太原縣志

卷上

城垣

四

礮樓四座共計二十四間高一丈五尺深一丈七尺闊二十八丈八尺補修城樓四座補修外城甕牆殘缺者俱用磁灰嵌而堅之共用銀一萬二千七十五兩七錢一釐

咸豐三年髮逆鳴張各省州縣舉行民團保甲之法太原知縣程培禮奉撫憲郭札飭籌辦本縣招募團練事宜集城鄉四鎮各村莊紳耆等悉心妥議每百戶爲一甲每甲派出壯丁二十名立團長一名管束之四甲爲一保立總團一名統轄之共計二萬七千二百二十八戶派出鄉勇五千四百餘名器械口糧各村莊製造給發每月按三六九日操演畢仍歸本業十年知縣賀澍

續太原縣志

卷上

城垣

五

恩奉撫憲英札飭練勇衛民會同紳士招集民團一千名器械俱備有事齊出應援無事各安本業同治五年秦豫回捻交江總辦防堵奉按察使陳檄飭各州縣招募練勇知縣胡祖望集城鄉紳耆籌議按照縣屬三十一里合出勇丁六十名延教師一名調集城中逐日操演除鳥銃火藥刀矛旂幟號衣等項官給外其日用口糧統由三十一里捐貲給發

學校

太原文廟乾嘉以來代有修葺迄道光庚戌歲又多傾圮知縣王倬有志更新集邑中紳耆議重修先捐廉銀若干爲之倡復募城鄉士庶爲集腋之謀如是者數年共得錢一萬五千三百餘緡工既舉未竟倬諱吏議罷去繼攝邑篆者其捐俸皆知之丁巳知縣施蒞任功乃落成時已七易寒暑矣捐貲姓氏并經費勒碑明倫堂

大成殿六楹竿三尺八寸崇四丈五尺深四丈重修

東西廡凡三十二楹起基三尺袤四十有六丈崇一丈七

尺深二丈二尺俱重建

續太原縣志

卷上

學校

六

戟門四楹起基二尺重建

神廚省牲所會饌堂祭器庫在大成殿兩掖俱起基二尺

重建

鈴名所更衣所在戟門左右俱起基二尺重建

崇德門廣業門在戟門兩掖起基二尺重建

泮池加高二尺重修

名宦祠四楹起基二尺崇一丈五尺深一丈七尺重建

鄉賢祠四楹起基二尺崇一丈五尺深一丈七尺重建

忠義孝弟祠四楹起基二尺崇一丈五尺深一丈七尺重

建

樂器庫三間新建

東西掖亭各三間新建

櫺星門四楹起基二尺重建

東西下馬碑重修

瞻仰宮牆坊起基二尺重建

步趨日月坊起基二尺重建

照壁起基二尺重建

德配天地坊起基二尺重建

道冠古今坊起基二尺重建

景行門在廟外左旁起基二尺重建

續太原縣志

卷上 學校

七

達道門在廟外右旁起基二尺重建

崇聖祠四楹在廟外東北隅重修

義路禮門俱起基重建

東西齋房十間補修

明倫堂五間起基二尺重建

敬一亭五間補修

尊經閣五間補修

教諭署補修

訓導署補修

魁星樓在城上東南隅六角形崇三丈重修

書院 培英義莊附

太原書院舊止破屋數椽一切經費俱無所出道光六年知縣員佩蘭捐廉百金爲之倡并士庶輸將所得計錢三千餘緡卽舊地擴而葺之以營建之餘發商生息榜其門額曰晉泉延師主講脩脯膏獎薪水之費略備十六年知縣王晉介籌增八百金同治八年知縣胡祖望又增入一千二百金而經費綽然矣十二年知縣許榮綬整飭院規以舊名晉泉不甚雅切與紳士議改桐封書院通詳立案並易匾額而晉泉書院額至今仍舊未撤焉

太原故多寒士遇鄉會試往往艱於資斧裹足弗能前續太原縣志

卷上

學校

八

知縣賀澍恩思有以鼓勵之捐俸三百緡益以捐輸所得共錢一千五百緡發商取息并購地於書院西少加補繕顏曰培英義莊凡春秋兩闡公事於斯議焉計三年息所入三分之一以其七給鄉會士子川資其餘用以買焚字紙泐碑紀其事規條鐫列碑陰選城鄉紳士公正者董之此咸豐十一年事也光緒六年秋署縣揭傳洪以舊立規條未盡協集紳士妥議更易數條爲經久計并移碑於書院大門內東偏歸文昌社輪流經管一在莊董事人務須各秉公心儻有不公者定行逐退一捐輸一千五百緡存儲當商嗣後宜增不宜減

一本錢存儲當商以週年八釐行息每年按正七月初十日著行首交息於董事人

一逢鄉試之年將所獲利錢內共提出一百四十千文以作鄉試資斧按赴試人數分給由貢班實任教職者不準領若僅署任依舊如數分給

一逢會試之年將所獲利錢內共提出一百四十千文以作會試資斧按赴試人數分給由舉班實任教職者不準領若僅署任依舊如數分給

一遇鄉試 恩正科之年分給資斧董事人親詣省垣定於八月初四日設一公所合貢監府縣學生員一

續太原縣志

卷上

學校

九

並給散總須本人親領其董事人準開銷車價火食錢一十千文不得多用

一領會試資斧必須先行由縣稟請詳給赴試咨文者方準具領未請咨者不得遽領

一會試之年或僅一人定給資斧錢七十千文如赴試者多仍按一百四十千文分給

一遇鄉會 恩科之年無餘項則已若有餘項鄉試會試盡數各半分給

一 恩會之年赴試者僅一人存項如不敷七十千則盡數給發儻存項有餘仍給七十千為限

一武鄉試武會試概不給發

一敬惜字紙每年定費錢一十千文有人拾得者定於每月朔董事人親到莊內驗收每斤給錢一十文即將所收字紙藏於字庫中焚灰送入汾河

一修理莊房每年於生息內提錢六千文如值無須歲修仍將此項錢另儲以備日後鉅修之用

一莊內看守門戶灑掃奔走諸役即著書院書僮兼辦每年給與工食錢三千文

一統計三年內所獲利錢三百六十千除動給鄉會試

二百八十千鄉試年董事人車飯錢一十千敬惜字

續太原縣志

卷上

學校

十

紙費三十千修理莊房錢一十八千書僮工食錢九千等使用外三年內尚餘錢一十三千仍行存儲以待 恩鄉 恩會分給

田賦 戶口倉廩義田附

原額田五千六百九十二頃九分四釐一毫

光緒五年知縣魏象乾以荒田租稅累民申詳上

憲巡撫會奏請退荒田三百頃八十七畝六分一釐

七毫

原額地丁銀四萬二千二百五十三兩五錢九分二釐

光緒六年四月二十一日奉

旨蠲免銀二千五百八十六兩一錢九分三釐

原額更名銀二百四十二兩八錢一分六釐

光緒六年四月二十一日奉

續太原縣志

卷上

田賦

十一

旨蠲免銀六十二兩七錢一釐

原額衛差銀二百一十四兩三錢五分

光緒六年四月二十一日奉

旨蠲免銀七十二兩九錢一分

原額本色粟米六百九十二石一升九合五勺

光緒六年四月二十一日奉

旨蠲免米二十九石八斗三合二勺

原額本色黑豆一千八百一十一石九斗二升七合

光緒六年四月二十一日奉

旨蠲免豆七十六石六斗七升四合二勺

原額軍屯米九百九十四石九斗四升一合八勺

光緒六年四月二十一日奉

旨蠲免米四百二十六石二斗二升三合七勺

原額王屯米一百一十二石五斗二升四合八勺

光緒六年四月二十一日奉

旨蠲免米二十四石六斗八升九合二勺

戶口

戶二萬三百三十九 口九萬五千五百五十五

倉廩

太原地勢窪倉穀不久輒徵變光緒四年署縣魏象乾

續太原縣志

卷上

田賦

十二

集紳士議重修爲經久計朽者撤而新之低者觀而起之厥有頂欲其高地有版欲其厚所以防濕蒸鼠雀之耗者至嚴且密工未竟調任去揭傳淇繼攝邑篆續而成之

計修天字版五間重鋪地板宿字版五間揭修版頂重鋪地板張字版五間補修版頂重鋪地板

以上魏任補修三版費工料銀五百二兩七錢六分

字字版五間新修版頂重鋪地板黃字版三間照舊式

新修新鋪地板洪字版三間照舊式新修新鋪地板

以上揭任新修三版費工料銀一千二百三十一兩

四錢一分二釐

光緒七年奉憲發銀採買新穀三千二百六十六石

光緒八年奉憲發銀採買新穀六千七百一十二石七斗五

升

統計穀九千九百六十八石七斗五升實儲常平倉

以備不虞

義田

一在東關廂大官道吳家園計地四畝五分

一在北關廂中搖車地計地一畝三分

一在南關廂正南道計地四畝零

續太原縣志

卷上

田賦

十三

祀典

同治六年八月巡撫趙因本年入夏以來漸形亢暵

禱於晉祠 聖母廟甘霖旋霽合屬均霑奏請頒匾

額加封號

御書惠洽桐封封號奉

旨鈐出沛澤二字欽此十三年六月巡撫鮑以本年夏雨

愆期遣官恭詣晉祠神廟虔禱取水隨獲甘霖廟內

正殿供奉 聖母神像右殿別塑 水母神像歷來

祈雨由正殿祈禱後必詣右殿拈香迺能益昭靈應

惟 聖母已於六年

續太原縣志

卷上

祀典

十四

勅封沛澤並

御書匾額懸掛而 水母未之及焉故復奏請一體加封

賜額

御書惠普桐封功資樂利兩額於正殿右殿敬謹懸掛祠

因 水母祠禮部無案可稽行文晉撫查覈事實並

檢閱志書咨部查辦光緒四年早巡撫曾委員禱雨

晉祠立應復請加封賜額五年冬奉部文太原縣晉

祠鎮 聖母廟歷朝禱雨輒應又 水母廟建自前

明禱雨靈應均為士民所崇信今夏雨澤稀少派員

分詣太原晉祠鎮 聖母 水母各廟取水祈禱甘

霖旋降幸獲有秋今 水母廟久列志乘丕著靈施

應與 聖母一體

賜加封號以答神庥太原縣 聖母廟封號奉

硃筆圈出翊化欽此并

賜惠流三晉額 水母廟封號奉

硃筆圈出敷化欽此

晉祠各廟宇多年未修時有傾圯道光二十四年知

縣王炳麟飭令晉祠本鎮葺修正祠牌樓亭庭及各

廟座祠鐘鼓樓

四渠公修水母樓難老泉亭板橋金人橋

續太原縣志

卷上

祀典

五

北渠分修善利泉亭八角池白鶴亭泰山橋

職官

知縣

周玉琳舉人道光八年任江西南昌縣人

王晉介舉人道光十四年署山東福山縣人

王炳麟進士道光十六年任四川安岳縣人

涂壽淇監生道光二十四年署江西新城縣人

戴廣仁優貢道光二十五年署奉天廣寧縣人

田豐玉進士道光二十五年署江西瑞昌縣人

毓 恩筆帖式道光二十五年任正藍旗人

程國觀監生道光二十六年署順天宛平縣人

續太原縣志

卷上

職官

六

沈 鍾監生道光二十六年署江蘇長洲人

王 倬進士道光二十七年任四川璧山縣人

捐俸倡修文廟

繆 炯監生道光二十八年署順天宛平縣人

陳曜圖進士咸豐元年任直隸清苑縣人

程培禮進士咸豐三年署江西宜黃縣人

錢官竣拔貢咸豐四年署浙江秀水縣人

沈 淦監生咸豐六年署浙江歸安縣人

施莘任舉人咸豐六年署浙江孝豐縣人

賀澍恩進士咸豐七年任江西萍鄉縣人

捐俸創立培英義莊現任永寧州知州

吳誥綸監生同治元年署廣東嘉應州人